

SOCIAL



Marcel de Cuba ta cumpli 4 aña awe y ta ricibi masha pabien di su mama y tata, rumannan, madrina y padrino, welo y welanan, primo y primanan, amigito y amigitanan di speelschool, demas familia y di DIARIO.



Masha pabien ta bay awe pa e jovencito EUGENE PETROCCHI cu ta cumpli 11 aña y ta ricibi felicitacion di su mama y tata, di su ruman, welanan y welo, tanta y omonan, amigitonan y amigitanan di school, di su juffrouw, demas familia y DIARIO.

FESTIVAL TRADICIONAL DI AHTTC

ORANJESTAD(AAN)—Aruba Hospitality Trades Training Center ta organiza e aña aki su tercer festival tradicional culinario.

Esaki lo ta diasabra awor dia 20 di april pa 8 or anochi na Bushiri Beach Hotel.

Studentenan di e seccion di Food Production lo competi cu otro pa demostra na publico nan talentonan den arte culinario.

E seccion di bar lo demostra mixmento di bebida.

E studentenan di Food Production lo presenta nan arte den forma di buffet y a duna nan nom-

ber manera Dutch Cuisine Master, Antillean Folklore, Aloha di Hawaii, y Four Seasons entre otro.

E seccion di bar lo bin cu presentacion di bebidanan exotico pa muestra kico nan a siña durante nan entrenamento.

Lo tin tambe show di cortamento di ijs.

AHTTC lo entrega premionan na e mihor show piece di e festival aki.

Publico lo por saborea tambe e platonan, pero naturalmente mester paga.

FUN DRIVE DI YMCA TABATA EXITOSO

ORANJESTAD(AAN)—Na luna di Maart y April YMCA tabata tin su fundrive, cu a significa un entrada di tres mil florin.

Un gradicimento a bay na tur cu a coopera pa e campana por a bira un exito pa e organizacion, cu ta conta cu labornan di alrededor di 60 persona.

HOMENAJE Y RECONOCIMIENTO NA E COMPANIANAN CU TA ATERIZA NA ARUBA



ORANJESTAD(AAN)—Siman pasa Aruba Concorde Hotel a duna homenaje y reconocimiento na e companianan di aviacion cu ta ateriza na Aruba.

Durante un cena cu a tuma lugar den e famoso restaurant Italiano Adriana den Concorde Hotel, e entrega di tres plaquette a keda efectua door di Gerente General di Aruba Concorde Hotel Sr. Hernan Gehr den presencia di e Gerente Residente Sr. Jorge Duran y Director di Venta, señor Marco Wix.

Na number di ALM, señor Ulrich Latham a

ricibi e plaquette mientras cu señor Albert Heronimo a ricibi e reconocimiento na number di Eastern Airlines y señor Oslin Toppenberg Gerente di American Airlines pa su compania.

Esaki na ocasion di e reconocimiento cu a wordo duna na e companianan di aviacion pa nan contribucion grandi pa turismo di Aruba en general y especialmente pa Aruba Concorde Hotel na 1984.

Sr. Gehr na e ocasion a enfatisa importancia di e companianan di aviacion den industria turistico di Aruba como e vehiculo

principal cu ta transporta di tur parti di mundo turistanan cu nos mester pa un industria turistico floreciente pa Aruba.

Ariba e futuro por aprecia Jorge Duran, Gerente Residente di Aruba Concorde Hotel, Ulrich Latham, representante di ALM na Aruba, Hernan Gehr Gerente General di Concorde Hotel Albert Heronimo Gerente di Eastern Airlines, Oslin Toppenberg Gerente General di American Airlines pa Antillas y Marco Wix Director di Ventas di Aruba Concorde Hotel.. Ulrich Latham, repre0

CAVALLARO TRASLADA PA LONDRES

ORANJESTAD(AAN)—Segun fuentenan digno di credito, e actual presidente di Lago, Tony Cavallera a keda nombra como Vice Presidente di Esso Africa y lo tin residencia y su oficianan na Londres.

Manera DIARIO ya a relata, Exxon lo institui Esso Marine Supply, cu lo keda bao di guia di George Reynolds, kende manera DIARIO ya a relata a keda presenta como dirigente di Esso Marina Supply na Gobierno siman pasa.

Mientras te awor señor Juan Yanez a fungi como

persona di contacto entre Exxon y Gobierno, awor lo ta Maarten King,

Deputy General Manager pa Esso Caribe cu ta encarga cu esey y cu lo raporta na Yanez.

INFORMACION STATUS APARTE TA CONTINUA

ORANJESTAD(AAN)—Diahuebs proximo Servicio Informativo di Gobierno cu cooperacion di Project-bureau y Departamento pa Asuntunan Constitucional lo continua informando Pueblo encuanto e preparacionnan pa e Status Aparte di Aruba.

Esaki lo tuma lugar den

e espacio di Aruba y su Independencia entre 8.30 or y 9 or di anochi via Tele Aruba.

Lo ta den e programa Drs. Nico van Hoorn di e firma Berenschot, señorita Grace Maduro, Sr. Kees Boekhoudt, Sr. Romeo Thijssen y sr. Jossy Figueroa.

HOME VIDEO MOVIE PRODUCTION

Pa Casamento, Aniversario, Reunion Familiar, Fiesta, Get Together, Misa.
PA TUR OCACION
TEL: 47079